

陳州府志卷之十七

楚鄂宦應階吉升氏纂修

人物

十步之澤必有芳草十室之邑必有忠信况陳爲太
昊所發祥宣聖所遊歷流風餘教上下數千年其卓
卓可紀者可勝道哉雖制行各殊窮達亦異要各有
所樹立非苟而已也載在正史者得以詳錄餘則畧
見其行事外此潛德幽光埋沒於窮鄉僻壤間者不
知凡幾士之遇固有幸有不幸歟然聞之地之靈者
其人必傑余烏知川嶽間氣之所鍾產茲土者不且

踵而益盛哉志人物

陳州府人物

附郭淮寧縣

周洩治陳靈公大夫公與孔寧儀行父通于夏姬皆衷其相服以戲于朝治諫曰公卿宣淫民無效焉且明不令君其納之公曰吾能改矣公告二子二子請殺之公弗禁遂殺洩治鄧元見洩治被殺知陳之將亡也廼去之以其族行

賈獲陳哀公大夫鄭子展子產帥車七百乘伐陳宵突陳城遂入之哀公扶其太子偃師奔墓遇司馬桓子曰載余曰將巡城遇獲載其母妻下之而授公車公

曰舍爾母辭曰不祥與其妻扶其母以奔墓亦免

傳左

逢滑陳大夫吳之入楚也使召陳懷公懷公朝國人而
問焉曰欲與楚者右欲與吳者左陳人從田無田從
黨逢滑當公而進曰臣聞國之興也以福其亡也以
禍今吳未有福楚未有禍楚未可棄吳未可從而晉
盟主也若以晉辭吳若何公曰國勝君亡非禍而何
對曰國之有是多矣何必不復小國猶復况大國乎
臣聞國之興也視民如傷是其福也其亡也以民爲
土芥是其禍也楚雖無德亦不艾殺其民吳日斂於
兵暴骨如莽而未見德焉天其或者正訓楚也禍之

適吳其何日之有陳侯從之

左傳

顓孫師字子張陳人孔子弟子孔子曰自吾得師前有
光後有輝子貢曰美功不伐貴位不善不侮不佚不
傲無告是師之行也唐贈陳伯宋封宛邱侯再封陳
國公陞十哲位

巫馬施字子期陳人孔子弟子孔子來游子期與子路
薪於韞邱之下國之富人有處師氏者脂車百乘觴
於韞邱之上子路語子期曰使子無忘子之所知亦
無進子之所能得此富終身無復見夫子子爲之乎
子期喟然仰天而嘆闕然投鎌於地曰吾聞之夫子

勇士不忘喪其元志士仁人不忘在溝壑子不知子
與試子與意者其志與子路慚負薪先歸嘗宰單父
先是魯人宓子賤爲單父宰鳴琴而治子期繼之以
星出以星入日夜不處而單父亦治子期問於子賤
曰子鳴琴而單父治亦不見其勞何也子賤曰我任
人子任力任人者佚任力者勞子期曰是施之未至
也唐贈鄆伯宋封東阿侯

陳亢字子禽陳人孔子弟子陳子車死於衛其妻與其
冢大夫謀以殉葬定而后亢至以告曰人子疾莫養
於下請以殉葬亢曰以殉葬非禮也雖然則彼疾當

養者孰若妻與宰得已則吾欲已不得已則吾欲以
三子者之爲之也遂弗果用后贈潁伯宋封南頓侯
公良孺字子正陳人孔子弟子賢而有勇孔子適衛路
出於蒲會公孫氏以蒲叛衛而止之公良孺以私車
五乘從孔子行喟然曰昔吾從夫子遇難於匡伐樹
於宋今遇困於此命也夫吾與夫子再罹難寧鬪而
死挺劍而合衆將與之戰蒲人懼曰苟無適衛吾則
出子乃盟孔子而出之東門孔子遂適衛唐贈東牟
伯宋封牟平侯

世碩陳人七十子之弟子著書二十一篇名世子以代

人性有善有惡舉人之善性養而致之則善長惡性
養而致之則惡長如此則性各有陰陽善惡在所養
焉宓子賤漆雕開公孫尼子之徒亦論性情與世子

養書篇相出入云

論衡

芋尹蓋陳閔公大夫楚子西子期伐吳及桐汭陳侯使
公孫貞子弔焉及良而卒將以尸入吳子使太宰嚭
勞且辭曰以水潦之不時無乃凜然隕大夫之尸以
重寡君之憂寡君敢辭上介芋尹蓋對曰寡君聞楚
爲不道薦伐吳國滅厥民人寡君使蓋備使弔君之
下吏無祿使人逢天之感大命懼隊絕世於良廢日

共積一日遷次今君命逆使人曰無以尸造於門是我寡君之命委於草莽也且臣聞之曰事死如生禮也於是乎有朝聘而終以尸將事之禮又有朝聘而遭喪之禮若不以尸將命是遭喪而還也無乃不可乎以禮防民猶或踰之今大夫曰死而棄之是棄禮也其何以爲諸侯主先民有言曰無穢虐士備使奉尸將命苟我寡君之命達於君所雖隕於深淵則天命也非君與涉人之過也吳人內之

左傳

漢應曜陳人隱屠有盛名高帝時嘗與四皓俱徵曜獨

不垂天下爲之語曰南山四皓不如淮陽一老

舊志

鄭當時字莊陳人也其先鄭君為項籍將籍死已而
為良高祖帝謂其子籍曰君獨不奉詔詔盡
拜名籍籍曰大夫使臣君死孝文時鄭莊以
任俠自喜脫張羽力解公聞梁楚之間孝景時為太
子舍人每五日洗沐常置驛馬長安諸郊存諸故人
請謝賓客夜以繼日至其明且常恐不徧莊好黃老
之言其慕長者如恐不見年少官薄然其游知交皆
其大父行天下有名之士也武帝立莊稍遷為魯中
尉濟南太守江都相至九卿為右內史以武安侯魏
其時議貶秩為詹事遷為大農令莊為內史誠門下

客至無貴賤無留門者執賓主之禮以其貴下人莊
廉又不治其產業仰奉賜以給諸公然其餽遺人不
過算器食每朝候上之間說未嘗不言天下之長者
其推轂士及官屬丞史誠有味其言之也常引以爲
賢於已未嘗名吏與官屬言若恐傷之聞人之善言
進之上唯恐後山東士以此翕然稱鄭莊使視決河
自請治行五日上行鄭莊行千里不齎糧請治
行者何也然鄭莊之意不敢甚引當否
及晚節漢征匈奴四夷天下多財用益置莊任
人賓客爲大興徵人多通負司馬安爲淮陽太守發

其事莊以此陷罪贖爲庶人頃之守長史上以爲老
以莊爲汝南太守數歲以官卒莊始列爲九卿廉內
行修絜中廢賓客益落及居郡卒後家無餘貲財莊
兄弟子孫以莊故至二千石六七人焉

史記本傳

薛漢字公子淮陽人也世習韓詩父子呂章句著名漢
少傳父業尤善說災異織緯教授常數百人建武初
爲博士受詔校定圖讖當世言詩者推漢爲長永平
中爲千乘太守政有異迹後坐楚事辭相連下獄死
弟子健爲杜撫會稽澹臺敬伯鉅鹿韓伯高最知名

後漢儒

林傳

汝郁字叔異陳人性仁孝郁年五歲母病不能食郁常抱持啼哭亦不食母憐之強爲飯給言已愈郁察母顏色不平輒復不食宗親共異之因字曰異及親歿遂隱處山澤賈逵薦於和帝帝徵之甚見優禮後累遷爲魯相以德教化百姓稱之流人歸者八九千戶

叅漢書
東觀記

魏昭字德公陳人童子時大原郭泰止陳昭知其有異求入其房供給灑掃泰曰年少當精義書曷爲來近我乎昭曰蓋聞經師易遇人師難遭故欲以素絲之質附近朱藍爾泰美其言聽與共止嘗不佳夜命昭

作粥粥成進泰泰一噉怒而呵之曰爲長者作粥而

不加敬使沙不可食即以杯擲地昭更爲粥重進泰

復呵之如此者三昭容色無變意殊悅泰曰吾始見

子之面今乃見子之心遂與友善卒爲妙士漢紀參通鑑

張季禮陳人遠赴師喪行至汝南界中遇寒冰車毀頓

滯道路賴陰劉翊子相見而謂之曰君慎終赴義行

宜速達卽下車與之不告姓名策馬去季禮意其子

相也後故到賴陰還所假乘翊閉門辭行不與相見

云後漢書劉翊傳

三國陳融陳人與陳留濮陽逸沛郡蔣慕廣陵梁廸皆

單貧有志 時吳丞相陸遜弟瑁字子璋少好學篤義

融等因就 與之游處瑁亦割少分甘與同豐約焉

三國

志陸瑁傳

晉周翼字子 鄉陳人祖奕上谷太守父優車騎咨議翼

幼孤依舅 高平郝鑒值永嘉喪亂饑饉相望鄉人以

鑒名德傳 共飴之鑒常攜兄子邁及翼二小兒往食

鄉人曰各 自饑困以君之賢欲共濟君爾恐不能兼

有所存鑒 於是獨往食者含飯著兩頰邊吐與二兒

後並得存 同過江鑒亡翼為剡縣解職歸席苦於鑒

靈牀頭心 喪終三年歷青州刺史少府卿六十四而

卒世說新語
周氏譜

王隱字處叔陳人世寒素父銓歷陽令少好學有著述之志每私錄晉事及功臣行狀未就而卒隱以儒素自守不交勢援博學多聞受父遺業西都舊事之所諳究建興中過江丞相軍諮祭酒涿郡祖納雅相知重納好博奕隱每諫止之納曰聊用忘憂耳隱曰古入遭時則以功達其道不遇則以言達其才故否泰不窮也當今晉未有書天下大亂舊事蕩滅非凡才所能立君少長王都游宦四方華夷成敗皆在耳目何不述而裁之應仲遠作風俗通崔子真作政論蔡

伯喈作勸學篇史游作急就章猶行於世便爲不朽當其同時人豈少哉而了無聞皆由無所述作也故君子疾沒世而無聞易稱自強不息况國史明乎得失之跡何必博奕而後忘憂哉納喟然嘆曰非不悅子之道力不足也乃上疏薦隱元帝以草創務殷未遑史官遂寢不報大興初典章稍備乃召隱及郭璞俱爲著作郎令撰晉史預平王敦功賜爵平陵鄉侯時著作郎虞預私撰晉書而生長東南不知中朝事數訪於隱並借隱所著書竊寫之所聞漸廣是後更疾隱形于言色預旣豪族交結權貴共爲朋黨以斥

隱竟以謗免黜歸於家貧無資用書遂不就乃依征
西將軍庾亮於武昌亮供其紙筆書乃得成詣司上
之隱雖好著書而文體混混其書次第可觀晉書
父所撰年七十餘卒於家隱兄瑚字處仲少志武節
成都王穎舉兵向洛以爲冠軍叅軍積功累遷遊擊
將軍與司隸滿奮河南尹周馥等俱屯大司馬門以
衛宮掖時上官巳縱暴瑚與奮等共謀除之反爲所

害

音書
本傳

唐袁楚客陳人初魏元忠相武后有清正名至神宗中
自端州召還再輔政天下傾望冀幹正王室而稍憚